

24

7

9

陸木氏
新編

新編排韻增廣事類氏族大全

十卷

平原

陸應義書印
慶應義塾圖書館

庚集

禰衡字正平氣尚剛傲矯時慢物洪建安初遊許下陰懷一刺
既而无所適至於刺字漫滅 孔融深愛其才上疏薦之云鸞
鳥累百不如一鴉 曹操召為鼓吏衡為漁陽搥槌蹀躞而前
容態有異聲節悲壯 操送於刘表 送於黃祖 長子射音亦
大會賓客有獻鸚鵡者射曰願先生賦之以娛嘉賓衡攬筆而
作文无加點 祖性急竟殺之

米

微音 京兆 木出西域米國

米楷後洪人與田盤陳耽薛郭宋布唐就羸咨宣褒為八及
張儉等亦名八及此非

三朝供奉

排韻卷七

米嘉榮唐長慶間人善歌劉禹錫詩云唱得涼州意外聲舊人
惟有米嘉榮 三朝供奉米嘉榮能變新聲依舊聲子和尤善
琵琶

饋羊

米暨唐會昌中為振武軍節度使饋李德裕四百羊

書畫舡

米芾字元章宋熙豐間人少負英聲以恩補校書郎迂太孛博
士 東坡云清雅拔俗之文超邁入神之字何時見之以洗瘴
毒兒子得宝月賦琅然一誦老夫卧所未半蹶然而起恨二十
年相从知元章不及此賦當過古人不論今世也 出守无為
軍建宝月齊鑿墨池仰高堂明遠樓愛潤州京口溪山之勝遂
定居焉作庵城東號海岳潤州火惟存李衛公塔與此庵耳米
詩云神護衛公塔天留米老庵 喜蓄書畫山谷贈詩二章有

云万里風帆水拍天麝煤鼠尾過年 滄江夜 虹貫月及是
米家書畫舡工篆隸真行草書宋高宗極愛其字分為十卷刻
千石

御賜碑

米友仁芾之子也筆法能世其業高宗眷待甚厚賜御書右文
殿碑又詔書道山堂碑 紹興中權兵部尚書

四賢堂

米憲宋嘉泰中守瑞州先是三賢堂在酒務之右祠東坡乘城
米憲後塑山谷易曰四賢堂

十一

解商音

平陽

唐叔虞子食采於解子孫以邑為氏晉大
夫解揚解孤皆其後也

治績第一

解修仕晉為渤海太守考績為天下第一

惡人及蟹

斛系字少連仕晉為雍州刺史與趙王倫有隙倫得志收系兄弟梁王彤救之倫曰我於水中見蟹且惡之况此人兄弟輕我乎竟害之 二弟 結 育

知大体

斛琬仕唐為滄州刺史為政知大体以金紫光祿大夫致仕年八十餘卒

忠義天知

斛潜宋紹興初為荆南鎮抚使募人耕荒田收大利紹興中屯田自此始疾劇張九成往候之泣曰平生誓與虜死此心忠義惟有天知言終而逝九成壯之

女德

斛結字叔連一女適裴氏明日當嫁而趙王倫收結與兄系同

坐裴氏欲活其女 二 曰家既若如此我何活為亦死之

十四賄

宰

徵音

西河

周大夫宰孔之後以官為氏

○宰予字子我孔門高弟在言語科為臨菑大夫

○宰直仕洪為司空掾

○宰鼂仕洪為會稽太守

○隗

宮音

餘枕

○隗囂西洪未據天水稱西州將軍

○隗相後洪人事母至孝徵為郎

善易

隗炤晉人善易卜臨終以書板授妻子曰後雖大荒慎勿賣宅後五年有詔使來此亭姓龔曾負吾金如其來以此書板索之至期果有天使至炤妻持板索之天使取著筮卦曰妙哉隗生

賢夫自有金五百斤在堂屋下去地九尺妻子掘之果得金

○磊隗 二隗



隗

官音

隗西

蘆花絮

閔損字子騫孔門居德行科不仕大夫之家不食汙君之祿性至孝後母冬月以芦花衣之以代絮父知之欲出其妻損曰母在一子單母去三子寒乃止 贈琅琊公

節士

閔貢字仲叔太原人世稱節士客居安邑家貧日買猪肝一片屠者或不肯安邑令聞之勅吏常給仲叔怪問而知之哄曰閔仲叔豈以口腹累安邑邪遂去客沛 洪建武中以博士徵不至

五雋

晉閔鴻与薛兼紀瞻顧榮賀循號五雋張華曰皆南金人

遙遙華胄

梁朝有閔姓求官者時何昌寓為吏部尚書問之曰君是誰後答曰閔子騫後何笑曰遙遙華胄南史



徵音

天水

少吳之子封於尹城因氏焉 周尹吉甫云尹官也以官為氏

周尹吉

詩註

清風

尹吉甫周卿士也作崧高韓奕江洪烝民四詩皆以美宣王也烝民篇云吉甫作誦穆如清風 六月詩云吉甫燕喜既多受祉 子伯奇

踐霜挽車

尹伯奇事後母孝无衣无履踐霜挽車 韓愈為之作履霜操

張橫渠云勇於從而順令者伯奇也

章樓

尹執杜仲有道之士也周穆王召之居終南山尹真人草樓因號樓觀道士之名始比事物紀原

鍊氣

尹喜為函谷關吏望見紫氣又占風而知有神仙過老君果至授喜鍊氣內修吐納之道三宮正一之法仙傳

製錦

尹何鄭人子皮欲使為邑子產曰不可猶未能操刀而使割也子有美錦不使人孛製焉大官大邑身之所庇也而使孛者製焉其為美錦不亦各乎

保障

尹鐸趙簡子使為晉陽請曰以為繭絲乎抑為保障乎簡子曰

保障哉

文武兼備

尹翁歸字子兄音况田延年故吏也文武兼備洪地節中徵拜東海太守以高窮入守右扶風治為三輔最三子皆為郡守少子岑歷位九卿

四葉表閭

尹嗣宗唐人子平孫恭先曾孫仁恕皆有孝行王荆公詩云四葉表閭唐尹氏

尹卿筆

尹思貞弱冠明經及第授太府卿時少府侯知一亦厲威嚴吏語曰不畏侯卿杖祇畏尹卿筆前後為刺史十三郡治以清最聞唐景雲初迁工尚書二惜集賢李士

神人鑿心

尹知章少夢人持巨鑿破心內劑驚悟志思開徹徧明六經
仕唐為國子博士

文体變古

尹洙字師魯深於春秋其文謹嚴唐末文章淺俗寢以大敵宋
初柳仲塗以古道發明之天聖初公與穆伯長矯時所尚力以
古文為主又得歐公以雄詞鼓動之於是文風一變慶曆初
迂起居舍人 貶均州監稅卒 孫焯

六有三畏

尹焞字彥明初與張繹同師伊川張以高識尹以篤行晚歲手
書聖賢所言治心養氣之要粘之屋壁以自警一室名六有齊
取橫渠言有教動有法畫有為宵有得晷有養息有存之意一
室名三畏堂取夫子言君子有三畏之意宋靖康初召至京師
懇辭還山授和靜處士 紹興中授崇政殿說書迂禮侍

○尹更始以儒術進治穀梁春秋拜議郎子咸

○尹齊本強少文斬伐不避貴勢洪武朝拜中尉

○尹賞洪元延間為長安令修治長安獄名虎穴

○尹正義仕唐為澤州法曹百姓歌曰前得尹佛子

○尹元凱唐人与富嘉謨吳少微號北京三傑

○師尹 令尹

阮

角音 陳留 殷有阮國在汾渭之間子孫以國為氏

青白眼

阮籍字嗣宗任情不羈或閉戶讀書累月不出或登山臨水竟
日忘歸尤好老莊能嘯能琴嗜酒放曠人謂之癡 聞步兵厨
有酒三百斛乃求為步兵校尉 籍能為青白眼母死稽喜來
吊作白眼稽康齋酒挾琴造焉乃見青眼作詠懷八十餘篇及

逵莊論大人先生傳 子渾字長成有父風 姪咸 竹林七賢

南北阮

阮咸字仲容與籍居道南諸阮居道北 二阮富南阮貧七夕曰北阮曬衣錦綺粲目咸以竹竿掛犢鼻褌於庭曰未能免俗聊復尔耳 顧延年五君詠云仲容青雲器又云屢薦不入朝一麾乃出守 歷散騎常侍出補始平太守

三語掾

阮瞻字千里性清虛自得見司徒王戎 二問曰聖人貴名教老莊明自然其旨同異答曰將无同戎咨嗟良久即辟之時人謂之三語掾 末嘉中為太子舍人

幾納屐

阮孚字遙集晉元帝朝為黃門侍郎終曰酣縱嘗以金貂換酒

為有司所彈帝宥之 性好屐有詣孚者見其自理蠟屐咲曰未知一生當着幾納屐神色閑暢 與畢卓等為八達

杖頭酒資

阮脩字宣子善清言常步行以百錢掛杖頭至酒店便獨酣暢雖當世富貴不肯顧家无儋石之儲晏如也

寵辱不驚

阮裕字思曠有肥遯之志王羲之曰此公不驚寵辱 仕晉為東陽太守

○阮瑀字元瑜與陳琳並為曹操記室與建安七子 見徐幹

○阮种字德猷有殊操何曾薦之孝賢良第一授中書郎

○阮孝緒年十三徧通五經屏居一室呼為居士

○阮逸宋仁宗朝上樂論二十篇與馮元等定樂

婚姻

天台山遇

阮肇入天台山採藥遇仙女為偶今阮郎亭有詩云阮客家何在仙雲洞口橫人間不到處今日此中行其碑石乃李陽冰書又見劉晨

歛錢為婚

阮脩居貧年四十未有室王敦等歛錢為婚皆名士時有求入錢不得者

○刘阮 南阮 北阮

范陽

殷武丁子文卦苑其後因氏焉苑何忌為齊大夫

筆端風雨

苑論字言揚元和中與柳子厚聯第柳拜而兄之送以序云掉鞅乎術藝之場遊刃乎詞翰之林風雨交於筆札烟霞發於簡牘甚可壯也

○苑康字仲真後漢人孝廉歷仕泰山太守

○翰苑 北苑 藝苑

二十三早

管

微音 平昌

周文王第三子鮮封於管為管叔以國為氏

瓜期

管至父齊侯使與連称成葵丘瓜時而往曰及瓜而代莊八

仲父

管仲名夷吾少與鮑叔牙游叔牙知其賢薦於齊桓以為相九合諸侯一匡天下仲之力也桓公稱為仲父 仲曰吾嘗與鮑叔賈分財利多自與叔不以我為貪知我貧也吾嘗與鮑叔謀事而更窮困叔不以我為愚知時有利不利也吾嘗三仕三逐叔不以我為不肖知我不逢時也吾嘗三戰三走叔不以我為怯知我有老母也公子糾敗吾幽囚受辱叔不以我為耻知我

不修小節而耻功名不顯也生我者父母知我者鮑子也 撰
管子八十六篇

割席

管寧字幼安少與華歆同席讀書有乘軒冕過門者歆廢書觀
之寧遂與割席分坐曰子非吾友 又嘗與歆共鋤菜地遇金
寧揮鋤不顧歆捉而擲之 洪魏之際居遼東二十年孟觀孫
邕王基薦之曰寧含章素質冰潔淵清匿景蔽光嘉遜養浩金
声玉色久而弥章前世未有厉俗獨行若寧者魏明帝具安車
蒲輪束帛加璧聘焉 家貧好孝一藜床五十年當膝處皆穿
龍頭 見柳氏 子邈為博士

善易筮

管輅字公明 二周易風角占相之道魏正元初其弟辰謂曰兄
當富貴乎輅曰吾額上无生骨眼中无守睛鼻無梁柱脚無天

根肯無三甲腹無三壬皆不壽之驗後果然

白雲先生

管師復自號白雲先生與弟師常齊名號二管 宋熙豐間陳
袞公以其與伊川經明孝修薦為孝官

○管子白心篇云滿盛之家不可為婚

○彤管 銀管 龍管

管輅琅邪人受公羊春秋於踈廣以授孫室 仕洪為御史中丞

滿

宮音 河東陳胡公滿之後 洪有蒲昌受齊詩於匡衡

清俸

滿寵字伯寧魏祖表為汝南太守 景初中以功遷太尉寵不
治產業家無餘財詔曰卿典兵在外專心憂國有行父祭遵之
風賜田十頃穀五百斛錢二十萬以明清忠俸約之節 謚景侯

○滿奮仕晉為尚書令

○引滿 持滿 撲滿

罕

鄭穆公長子曰子罕其孫罕虎以王父字為氏

罕虎一名子皮 二子嬰齊 二子達 二子魁 二子朝世為鄭

卿 子皮授子產政子產辭子皮曰虎帥以听誰敢犯子 二善

相之 袞三十

簡

官音 范陽 晉續簡伯之後

書李

簡卿洪人受尚書於兒寃後又受於夏侯勝

滑稽

簡雍字憲和蜀先主以為賓友拜昭德將軍 性簡傲跌宕无

所為屈 時天旱禁酒吏於人家得釀具欲加之罪雍与先主

游觀見一男一女行道曰彼欲行淫先主曰何以知之曰彼有

其具与釀者同先主大笑而赦有釀具者

○山簡 汗簡 白簡

二十七

單

徵音 南安 周成王封少子臻於單邑為甸内侯 因氏焉二十余世為 周卿士

五侯

單超漢宦官也与徐璜左悺具瑗唐衡誅梁冀同日封為五侯

仙道

單道開得仙道怕服細石子一吞數枚日一股晋外平中入羅

浮山獨處茅茨蕭然物外年百餘歲

○單袞公如晋拜成 成元

○單成公為王官伯 昭二十二

○單穆公即單旗也王子朝云單刘贊私立少 昭九六

○單颺明天官弄術孝廉迂大史令
○單雄信王世充將也善用馬槊號飛將

○單士寧宋慶曆中與王洙同編修史館

○單時宋乾道中為殿中侍御史上疏諫擊毬

秦

秦寔叔之後

○蹇叔諫秦穆公襲鄭公曰中壽尔墓之木拱矣信三十二

○蹇蘭仕浚為交趾太守

○蹇喜仕宋為歷陽令

○蹇周輔善屬文宋神宗命答高麗書稱旨

○蹇序辰宋紹聖中為給事中搆縉紳之禍

○偃蹇 連蹇 忠蹇

展

曹孝公子展之後无駭卒公命以字為展氏

聖之和

展禽名獲字禽无駭之子 為士師三黜曰直道而事人焉住

而不三黜柳下惠聖之和者也孟 食邑柳下謚曰惠弟盜跖

○展喜魯人齊侵魯比鄙公使喜犒師還僖二十

○展上公修道於句容縣王晨觀得仙

○展子奇工畫為昼家三史

展

渤海

雋不疑字曼倩渤海人暴勝之為直指使東至海不疑冠進賢

冠帶櫛具劔珮環玦褒衣博帶至門上謁勝之望見屣履出迎

敬納其說還朝表薦之徵拜青州刺史 昭帝即位擢為京兆

尹其母喜平反故不疑為吏嚴而不殘

善

善卷百高士也舜以天下讓善卷二二 不受去而入深山不知

其處莊 隱居華妙洞天今常德府 武陵縣南蒼 名枉

渚人號枉水山上有善卷壇宋政和中賜號道世高蹈先生郡守李壽為壇記

○積善 擇善 迂善

(典)

典韋形貌魁梧膂力過人魏太祖引置左右迂校尉軍中語曰帳中壯士有典君提一双戟八十斤 子滿為中郎

(扁)

勃海 邾人扁鵲之後

○扁鵲史記云姓秦名越人醫也云庐國人姓扁名鵲

(二十九條)

(趙)

角音 天水

虞伯益之後十三代至造父周穆王賜以趙城由此為趙氏

良大夫

趙衰字子余謚成子 又盾字孟謚宣子世為晉正卿 賈季曰趙衰冬日之日也趙盾夏日之日也 仲尼曰趙宣子古之良大夫也 盾子朔

袴中兒

趙朔亡有遺腹子夫人置之袴中得脫匿程嬰家十五年因韓厥立之是為趙武 史記武為晉卿薦白屋之士六十家率筦庫之士七十余家 韓子

四豪

趙勝封平原君食客數千人与齊孟嘗楚春申魏信陵為四豪 太史公曰平原翩翩濁世之佳公子也

讀父書

趙括馬服君奢之子徒能讀父書而有長平之敗

金城上方畧

趙充國字翁孫沉勇有大畧漢元康初羌人叛時充國年七十
余上老之使丙吉問誰可將者充國曰无踰老臣者矣願馳至
金城圖上方畧 上屯田便宜十二事羗破振旅而还 封營
平侯 圖形麒麟閣

清如水

趙軌仕隋為齊州別駕召入朝父老送之曰公清如水酌一杯
水奉餞軌受飲之 迁壽州長史開廣為陂三十六門灌田五
千餘頃人賴其利

科第趙家

趙不器子夏日冬曦和璧安貞居貞頤貞彙貞父子八人皆進

士及第時稱科第趙家 唐登科記又見庾子元

文館李士

趙彥昭少有才李唐中宗於修文館置大李士四員以韋嗣立
李嶠宗楚客趙彥昭為之又置李士以李適刘憲崔湜鄭愔刘
子元李义盧藏用為之又置直李士以馬懷素宋之間沈佺期
武平一杜審言徐堅等為之凡天子饗會李士得從春幸梨園
則賜細柳園夏宴蒲萄園賜朱櫻秋登慈恩寺浮屠賜菊花酒
冬幸新豐歷白鹿觀賜浴湯池從行給翔麟馬賦詩屬和无君
臣之分惟以文章得幸

方外十友

趙元亮 一无亮字 字貞固少貞志畧如隱者之操 謚昭夷先
生 十友名 見盧藏川

王界尺

王界尺 見盧藏川

趙光逢字延吉以文行知名時人稱其方直溫潤謂之玉界尺仕後梁為中書侍郎

社稷臣

趙普字則平宋太祖開國功臣也上常夜半幸其第立風雪中普皇恐出迎設重茵席地爇炭燒肉普妻行酒上以嫂呼之遂定下江南之議每決大事啓閣觀書乃論語也時稱趙普以半部論語治天下 雷德駿嘗詆之上叱之曰鼎鑊尚有耳汝不聞趙普吾社稷臣乎 雍熙中兼中書令封真定郡王 謚忠獻王

諫林

趙槩字叔平性重厚寡言宋仁宗朝與歐陽修同知起居注後參大政 熙寧初致仕居睢陽十五年惟以讀書著文憂國愛君為事集古今諫諍為諫林一百二十卷奏之上賜詔褒美

謚康靖

琴鶴清風

趙抃字閱道氣貌清逸人不見其喜愠自號知非子 宋至和中為侍御史彈劾不避貴勢京師號為鐵面御史 初任成都携一龜一鶴自行其再任也屏去龜鶴止有蒼頭執事張公裕孛士送以詩云馬諳旧路行來滑龜放長江不共來 公平生日所為事夜必衣冠露香拜手告天不可告者則不敢為也 元豐初告老退居於衢有溪石松竹之勝與山僧野老游不復有貴勢也有高齊詩云軒外長溪 外山捲簾空曠水雲間高齊有問如何答清夜安眠白晝閑 位至參政年七十七薨 謚清獻公二子 屺 明誠

戲綵堂

趙屺篤行君子也元豐中為溫倅迎清獻來遂名其堂曰戲綵

東坡送以詩云風流半刺史清絕校書郎

耆英會

趙丙字南正宋元豐中為太常少卿與文富耆英會 丙詩云
新眷鼎茗燕英髦主禮雍容下庶僚二相比肩官一品十人華
髮仕三朝星階並列瞻台曜樽酒時行挹斗杓東顧庸夫最無
狀也將顏面赴嘉招

秋陽賦

趙令時字德麟封安定郡王恭儉如寒士東坡作秋陽賦以諷
其辭云越王之孫有賢公子告予曰吾心皎然如秋陽之明肅
然如秋陽之清吾好善而欲成之如秋陽之堅百谷吾思又而
欲刑之如秋陽之隕群木是以樂而賦之

居中總政

趙鼎字元鎮宋紹興中張浚出視師江上鼎居中總政以圖具

復之功 拜左僕射加特進 謚忠簡

論詩法

趙蕃字昌甫號章泉有詩云李詩渾似李參禪要保心傳與耳
傳秋菊春蘭寧易地清風明月本同天 有重名屢召不起劉
石村云一生官職監南嶽四海傳名仰玉山

○趙禹漢武朝以刀筆積勞迂御史與張湯論定律令

○趙廣漢又宣朝為京兆尹發奸摘伏如神

○趙熹歷仕三朝 光武明章 為國元老以太傳致仕

○趙滙仕漢為京兆丞曰大丈夫當雄飛安能雌伏弃官去

○趙典為大司農閉門却掃非德不交 漢八俊中人

○趙咨吳大夫使魏自云如臣比者車載斗量不可勝數

○趙雲號虎威將軍蜀先主曰子龍一身都是膽也

○趙昌言字仲謨宋太宗朝拜樞使與同年會飲 見董姓

女德婚姻

報父仇

趙氏字娥酒泉龐涓母也娥父為人所殺兄弟三人俱物故娥感憤十年後遇離於都亭刺殺之詣縣自首遇赦免州縣表其

畫婦道

趙氏字阿周郁妻也閑於婦道而其夫驕淫郁父謂阿曰汝宜以道匡夫阿退曰我無樊衛二姬之術言而不用必謂我不奉教令言若用是為子違父而從婦生如此亦何聊乃自殺楚莊王好獵樊姬不食蟬禽齊桓公好樂衛姬不听五音

石華廣袖

趙曼二女長曰宜主卒止翩然名飛燕次曰合德漢成帝召入宮俱拜婕妤 飛燕嘗与妹坐誤唾其袖合德曰姊唾染人緋

碧似石上花令尚方為之未必能此乃號石華廣袖 後立飛燕為后

娶九姨

趙晃為尚書劉曄未第前晃以女妻之早亡二妹未適入劉登第夫人復欲妻之使媒灼通意曄乃復娶九姨生七子皆至大官

李居士

趙明誠字德甫妻李易安號李居士平生與之同志德甫在大亭時每朔望告謁出質衣取半千尔步入相國寺市碑文果實歸相對咀嚼展玩後連守兩郡竭俸以事鉛槧有穷天下古文奇字之志 著金石錄三十篇

趙璘之姑適盧綸生四子並及第時稱趙家出甥

趙昌言之女妻王旦

○趙德麟再娶王氏人以為二八字媒見王氏

○趙岐娶扶風馬融兄敦之女

○趙元淑娶宗連女遂為富人 見宗氏

○趙縱郭令公婿郭氏歸寧公出縱像問曰誰也曰趙郎

○趙師雄迂羅浮一夕於松林間見美人乃梅花精也

○趙氏女名解愁母夢海棠花蘂而生後為潘杭妾

○燕趙 完璧歸趙

三十一巧

鮑 官音 東海 夏禹之後有鮑敬叔仕齊食采於鮑因以為氏

貧友

鮑叔牙敬叔之子也代為齊卿 知晉仲之賢薦以為相 杜

甫云管鮑貧時友此道今人弃如土

知不如葵

鮑牽為齊卿宣公信声孟子之訴而刑之仲尼曰鮑莊子之知

不如葵又猶能衛其足 成十七

鮑宣字子都漢哀帝朝拜司隸校尉以挫辱宰相下廷尉博士

弟子王咸率幡大孝下曰欲救鮑司隸者會此會者千餘人

子孫三世俱為司隸乘驄馬京師歌曰鮑氏驄三入司隸再入

公府 玉

公府

貴戚斂手

鮑永字君長光武朝拜司隸辟鮑恢為從事不避強禦帝曰貴

戚且斂手以避二鮑 子昱

挽鹿車

鮑昱字文泉建武中拜司隸奉法守正有父風 後自郡守入

拜三公嘗從容問其母相少君曰寧復識挽鹿車時否母曰存
不忘亡安不忘危 子德

神父

鮑德有志節章帝朝為南陽太守時歲大荒惟南陽豐稔吏民
愛悅號為神父

王郎

鮑泉字潤玉梁元帝謂之曰卿面如冠王髮似蝟毛王僧辯
常呼瑀郎

煮白石

鮑靚字大玄五歲記其前生語父母云本是曲陽李家兒九歲
墮井死驗之信然及長李兼內外明天文河洛之書仕晉為
南海太守行部入海遇風飢甚取白石煮而食之

詞格清美

鮑昭字明遠工詩評云為詩欲詞格清美當看鮑昭謝靈運
詩人中稱為鮑謝 仕宋為臨海王參軍 杜詩云俊逸鮑參軍

知人

鮑防字子慎唐德宗朝為御史大夫 典貢奉得名士崔郊等

世美其知人 見熊姓 與謝良弼友善時號為鮑謝

鮑孤鴈

鮑當宋景德中為河南法掾時薛尚書映知郡因事怒之乃獻
孤鴈詩云天寒稻梁少万里孤難進不惜充君庖為帶边城信
薛大稱賞時目之為鮑孤鴈

賜緋

鮑彪宋紹興中為尚書司封員外郎引年告老虞允文胡沂陳
俊卿等言彪篤孝守道安於靜退博物洽聞可以備議論清介
端懿可以表縉紳勇退戒得陳義甚高望表而出之以勵士夫

之節 詔褒美賜緋魚袋致仕

婚姻

○鮑宣娶相少君能與同志 見相氏

○鮑靚見葛洪深器之以女妻焉洪乃就靚李傳其道

二十一節

棗

穎川 本姓棘又子成之後也因避仇改為棗

屯田

棗祗洪未為羽杯監請建屯田曹操以為屯田都尉任峻為典農中即將募民屯田許下得穀百萬斛軍國之饒起於祗而成於峻

一門貴顯

棗掾字道彥仕晉為山陰令政有異績遷尚書左丞 父叔偉仕魏為鉅鹿太守 子腆以文章顯仕晉為襄城太守 弟嵩

才藝允美仕晉為中庶子

○羊棗 安期棗 交梨火棗

(老) 顓帝子老童之後 一云老萊子之後

(保) 周礼有保章氏其後以官為氏

二十三節

(左)

商音 濟陽

齊公族有左右公子因氏焉 左丘 姓名者古之聞人也左丘字子行

孔門七十二賢中人南華侯

素臣

左丘明因春秋作傳杜預云仲尼為素王丘明為素臣宋元尊中詔從祀封瑕丘伯

喉舌之官

左雄字伯豪洪永建初虞詡薦之云實有王臣蹇又之節宜擢任喉舌之官 遷尚書令 陽嘉中上言自今奉孝廉年未滿

四十不得察幸由是多得其人

銅盤引魚

左慈字元放少有神道嘗在曹操坐操使求松江鱸魚慈以銅盤貯水以竿餌釣於盤中須臾引一鱸魚出他日操欲收殺之卻入壁中霍然不知所方術傳

洛陽紙貴

左思字太冲口訥而辭藻壯麗欲作三都賦構思十年門庭藩溷皆著紙筆遇得一句即踧之賦成皇甫謐為之序張華見而嘆曰班張之流也於是豪貴之家競相傳寫洛陽為之紙貴齊王固命為記室不就作詩功成不受賞長揖歸田園

斬巫

左震唐肅宗朝為黃州守時王璵以祠禱得相遣女巫巫乘傳分禱天下名山大川震斬之州人歌曰吾鄉有鬼巫惑人人不知

天子正尊信左公能殺之

○左伯桃与羊角哀為死友見羊

女德

○左思妹名芬晉武帝選入後宮

○虛左 間左 道左

馬

羽音

扶風

羸姓伯益之後趙王子趙奢封馬服君子孫氏焉

儒宗

馬宮字游卿受公羊春秋於冷豐以射策甲科為郎漢哀帝朝為太師封扶德侯以儒宗居宰相位

圖形雲臺

馬武字子張漢中興二十八將中人論曰威能感會風雲奮其知勇稱為佐命亦各志能之士也本傳臧宮馬武之徒撫鳴劔而抵掌志馳伊吾之比矣臧宮傳封陽虛侯

大才晚成

馬援字文淵少有大志乃辭兄况欲就边郡田牧况曰汝大才
當晚成 援嘗謂賓客曰丈夫為志窮當益堅老當益壯建武
中拜為伏波將軍擊交趾軍還故人孟冀迎勞之援曰男兒要
當死於边野以馬革裹尸还葬耳何能卧床上在兒女子手中
和冀曰諒為烈士當如此矣 武陵五溪蠻反援自請行據鞍
顧盼以示可用帝笑曰矍鑠哉是翁也 進營壺頭失利病卒
三兄况余貞 從弟少游 四子廖防光客卿

下澤車

馬少游嘗謂援曰士生一世但取衣食裁足乘下澤車御疑良
馬卿里称善人斯可矣 援征交趾在浪泊西里間下潦上霧
仰視飛鸞跼又墮水中卧念少游平生時語何可得也 馬援傳

兄弟貴盛

馬廖封順陽侯弟防穎陽侯 次第光許陽侯 幼弟客卿幼
而岐嶷援竒之以為將相器 兄弟貴盛資產巨億大起第觀
連閣臨道弥街路多聚声樂杜篤之徒數百人常為食客有司
奏其奢侈踰制悉免就國

鉅下二卿

馬嚴字威卿弟敦字孺卿援兄子也居鉅下交結英賢並知名
當世三輔稱其行義號鉅下二卿 援嘗為書戒之有刻鵠昼
虎之喻 嚴七子 固伉欵縛融留續

絳帳

馬融字季長才高博洽為世通儒諸生千數盧植鄭玄皆其徒
也坐高堂施絳紗帳前授生徒後列女樂弟子以次相傳鮮有
入其室者洪永初中拜校書郎中

蝗化魚蝦

馬稜字伯威洪章和初為廣陵太守有治行蝗飛入海化為魚
蝦吏民刻石頌之

白眉

馬良字季常兄弟五人並有才名諺曰馬氏五常白眉最良又
眉中有白毛故稱之 蜀先主辟為荊州從事位至侍中弟諤
字幼常好論兵計有街亭之敗

新豐斗酒

馬周字賓王少時袁天綱見之曰伏犀貫腦背若有負貴相也
入關舍新豐逆旅命酒一斗八外悠然獨酌眾異之舍中即將
常何家為條三十餘事帝問何武人安能此對曰家客馬周為
之召與語大悅拜監察御史貞觀十八年拜中書令帝嘗以飛
白書賜之曰鸞鳳冲霄必假羽翼股肱之寄要在忠力 岑文
本曰馬君論事听之纚又令人志倦然鸞肩火色騰上必速恐

不能久

年四十八卒

子載有知人之鑒

見裴行儉

武幹絕倫

馬璘武幹絕倫以忠力奮李光弼曰吾用兵三十年未見以少
擊衆如馬將軍者也 唐至德中為四鎮節度使

翠竹碧梧

馬燧字洵美歿度魁傑與諸兄李輟策暎曰方天下有事當以
功濟四海豈老一儒哉 唐大曆建中間屢立大功進封北平
郡王 賜宸宸台衡二銘以言君臣相成之美圖形凌煙 謚
莊武 子暢位至少傅 孫繼祖殿中少監 韓愈誌繼祖墓
云北平王猶高山深林鉅谷龍虎變化不測魁傑人也退見少
傅翠竹碧梧鸞停鵠峙幼子娟好靜秀瑤環瑜珥蘭茁其芽

建銅柱

馬總字會元唐元和中遷南安都護建二銅柱於洪故處饒著

唐德以表伏波之裔 韓愈贈詩云紅旗照海壓南荒徵入中
臺依侍郎

酒狂

馬自然有異行飲酒至一石不醉人有疾以雜草木揉与之食
无不瘥者自吟云昔日曾隨魏伯陽經時醉卧紫金床東君道
我多情懶罰向人間作酒狂 何用燒丹孝駐顏開非城市靜
非山射人若覓長生藥對景無心是大还唐廣明中於梓州上
昇

險怪

馬異唐詩人詩体与盧仝俱尚險怪 盧仝与馬異結交詩有
云仝不全異不異是謂大而小異 以笏擊奸

馬知節字子元年十八監彭州兵馬以嚴飭見憚如老将歷典

數郡治迹卓然 宋景德中拜樞密一日与同列奏對忽厉声
叱王欽若曰莫謾官家退見王文正曰諸子上前議論如此知
節幾欲以笏擊死之 謚正惠

○馬成字君迁光武二十八將中人 封全椒侯

○馬光与張仲讓等號為六儒 見寶土榮

○馬存字子才善屬文有豪氣觀浩齋歌等作可見

○馬洵字巨濟宋元祐進士第一人 見陳堯咨

○馬伸字肘中孝於伊川元祐中為西京法曹公暇必造程門

○馬廷鸞號碧梧宋咸淳中与江古心同拜相

女德婚姻

有才辨

馬融少女名倫少有才辨家世豐豪適汝南袁隗資裝甚厚旣
成礼隗問之曰婦奉箕箒而已何乃珍艷對曰慈親愛重不敢

違命君若慕鮑宣梁鴻之高妾亦效少君孟光之事 隗又曰
弟先兄奉世以為笑今處姊未適先行可乎答曰妾姊高行未
獲良匹不似鄙薄苟然而已隗不能屈

賣餅媪

馬周微時因袁天綱言京師有賣餅媪者此婦大貴周遂娶之
媪乃引至常何家後周為相媪亦為夫人

○馬該深為廬陵守唐貞元中王陟游廬陵馬妻以幼女

○馬融有俊才從摯恂李恂奇其才以女妻之

○馬暢娶吉州刺史盧徹女見盧氏

○班馬 司馬 五馬

(賈) 商音 武威

洛陽年少

賈誼洛陽人文帝即位河南守吳公薦之於朝帝召為博士時

年二十餘絳灌之徒毀之曰洛陽年少專欲擅權乃以為長沙
大傅上坐宣室問鬼神之本至夜半前席拜為梁大傅上
疏陳政事名治安策 劉向符誼通達國體古伊管未能過也
孫嘉好李世其家昭帝時為九卿 曾孫捐之

至言

賈山涉獵書記漢文時上書言治亂之道借秦為諭名曰至言

待詔金馬

賈損之字君房元帝即位上疏言得失召待詔金馬門長安令
楊興曰君房言語妙天下使為尚書過五鹿充宗遠甚 後以
忤石顯遇害

治河三策

賈讓哀帝朝奏言治河有上中下三策通渠有三利不通有三
害 漢溝洫志

折衝千里

賈復字文君佐光武中具帝解左驂以賜之曰賈督有折衝千里之威 拜執金吾封膠東侯 圖形雲臺

舌耕

賈逵字景伯父徽從劉歆受左氏春秋逵傳父業自為兒童時常在大孝身長八尺二寸諸儒為之語曰問事不休賈長頭門徒來孝獻粟盈倉人曰逵非力耕乃舌耕也 和帝朝為侍中內備帷幄兼領秘書

褰帷訪問

賈琮字孟堅涇中平初三府奉之為交趾刺史巷路歌曰賈父來晚使我先反令見清平吏不敢飯政為十三州最迂冀州刺史舊典傳車垂赤帷裳琮曰刺史當遠視廣听糾察美惡何有反垂帷裳以自掩塞乎乃命御者褰之百姓聞風震竦貪吏皆

解印綬去

賈父

賈彪字偉節兄弟三人並有高名時語曰賈氏三虎偉節最怒漢桓帝時為新息長時小民多不養子彪嚴為之制數年人養子者以千數皆曰此賈父所生也名曰賈子

州中畢畢

賈洪字叔業蘇荀字文通並仕魏為參軍時語曰州中畢 賈叔業辨論不窮蘇文通

充閭之慶

賈逵字梁道魏文帝以為豫州刺史長吏不如法者皆奏免之帝曰真刺史矣通運渠二百里名賈侯渠 晚年生子云當有充閭之慶故名之曰充字公閭後仕晉為尚書 充死无嗣立外孫韓氏為子名謚 仕晉為秘書監開閭延賢

父子繼美

賈至字幼隣玄宗朝知制誥初睿宗傳位父曾草詔玄宗傳位至草詔帝曰內朝盛典出卿家父子可謂繼美矣 有早朝大明宮詩云銀燭朝天紫陌長禁城春色曉蒼蒼又千條弱柳垂青瑣百轉流鶯遶建章劍珮聲隨玉墀步衣冠身惹御爐香共沐恩光鳳池裏朝又染翰侍君王

棠棣碑

賈敦頤唐永徽中遷洛州刺史以廉潔稱咸亨初弟敦實復為洛州長史以寬惠得人心洛人先為敦頤刻碑大市旁後為敦實立碑其側號棠棣

詩瘦

賈島字浪仙初為浮屠號无本居法乾寺後奉進士苦吟常跨馱不避公卿貴人嘗吟詩云僧敲月下門又欲下推字於馱上

以手依敲推勢不齋衝至京尹韓愈第三節左右擁至馬前詰之以實對愈曰敲字佳與共論詩為布衣交 宣宗嘗微行至法乾寺聞鐘樓上有吟聲取其詩卷覽之島奪取其卷曰即君何會此和宣宗去賜御札除遂州長江簿時稱為賈長江 程錡詩云騎馱衝大尹奪卷忤宣宗

神童

賈黃中六歲中神童宋太宗朝與宋白等五人同拜李士扈夢有五鳳齊飛之句見宋白居翰林九年有詩云青綸輝映輕前古丹禁深嚴隔世塵

公輔器

賈昌朝字子明宋天禧中除國子監說書時孫奭判監一見許以公輔治平初拜相封魏國公

不欺

賈黯字直孺慶曆中与王魯張唐卿彭汝礪同年登第見范仲淹於鄧州范曰惟不欺二字可終身行之黯拜其言後与人曰吾得范公不欺二字平生用不及也嘉祐中為翰林李士汗給事中

○賈瓊王通門人与董常姚義等北面受王佐之道

○賈魯少有才名唐景雲中知制誥与蘇晉同僚並以文辭稱時號蘇賈

○賈耽字敦詩為汾州刺史七年政有異績唐貞元中拜相

○賈餗字子美三典貢奉得士七十五人唐大和中拜相

○賈亨彦元祐未掛冠与吳師道等為七老見朱光復

女德婚姻

孝友

賈孝女僕州人父為族人玄基所殺弟強仁尚幼抚育至長教

伺玄基殺之有司論死請代弟高宗詔并免之

賈女

賈充有女求納為大子妃晋武帝曰衛瑾女有五可賈充女有五不可衛氏種賢而多子賈氏種妬而少子充少女名午与韓壽通竊香以遺之充知之以妻壽

射雉

賈大夫惡娶妻而美三年不言不笑御以如臯射雉獲之其妻始笑而言

擇婚

賈詡字文和筭无遺策經達權變當曹操盛時闔門自守退无私交男女嫁娶不結高門魏文帝以為太尉

擇婿

賈混充之弟也仕晋為鎮軍鄧攸訪之混以訟示攸使决之攸

曰孔子云必也使无訟乎混奇之妻以女

○蘇賈 陸賈 董賈

(夏)

羽音

會稽

夏后氏之後以國為氏夏育孟賁古之力士也

賜金百鎰

夏無且侍醫秦皇當其環柱避荆軻之時无且以所奉藥囊提之論功賜黃金百鎰荆軻傳

冷家傭

夏馥字子治言行質直与范滂張儉俱為黨魁剪鬚為冷家傭後其弟遇於涇陽市中不識聞声乃竟

木腸石心

夏統字仲御會稽人引身不仕母病篤詣洛市藥會上已洛中王公並至浮橋車乘如雲統不之顧 賈充引船与語其應如響勸之仕俛而不答充曰卿能作卿土地間曲乎曰昔曹娥投

水國人哀之為作河女之章伍子胥以忠投海國人為作小海唱今欲歌之於是足扣舷引声清激大風應至雲雨響集充令妓女盛服繞船三匝統危坐如故若无所聞充曰此吳兒木腸石心也 晉隱逸傳

宰相峯

夏竦字子喬宋仁宗朝奉制科有老宦者曰賢良他日必大用以異綾手巾乞詩公題曰殿上袞衣明日月硯中旗影動龍蛇縱橫礼樂三千字獨對丹墀日未斜楊徽之見而咲曰真宰相峯也 初除館職時早秋上在拱宸殿按舞命中使索新詞公立進喜遷鶯云露散綺月沈鈎簾捲未央樓夜涼河漢截天流宮闕鎖新秋 瑤階曙金莖露鳳髓香和雲霧三千珠翠擁宸游水殿按梁州 知南京一詩寄執政云造化平分荷大鈎腰間新佩玉麒麟南湖不住栽桃李擬狎沙禽過十春 海鴈

橋邊春水深畧无塵土到花陰忘機不取人知否自有江鷗信
此心 徙西都以青雀寄諫院張昇云弱羽傷弓尚未完孤飛
誰敢擬鴛鴦明珠自有千金價莫与遊人作彈丸 命奉使契
丹辭表云父歿王事身了母憂義不共天難下穹庐之拜礼當
枕塊忍聞夷樂之声時謂精絕 皇祐中拜樞密副使封鄭國
公 嘗知襄州值歲饑募富人出粟全活數万人 子安期為

陝西漕

○夏黃公与東園公綺里季角里先生隱商山為四皓歌曰曄
又紫芝可以樂飢富貴之畏人不如貧賤之肆志

○夏寬受詩於申公洪武時為陽城內史以廉節稱

○夏恭字敬公習孟氏易門徒千餘人洪建武中拜郎中謚宣
明君 子牙習家業早卒號文德先生 文苑傳

○肆夏

韶夏 大夏

(假)

假倉洪成帝朝人習經李由是小夏侯有張鄭秦假李氏之李
張山拊傳

三十六卷

蔣

商音

樂安

周公第三子伯齡封蔣子孫因氏焉言凡蔣邪茅周公之胤是也國在汝南

傳

父子剖符

蔣滿漢宣帝朝為上黨令子方為北地都尉同詔徵見帝曰父子宜同日剖符即下詔以滿為淮南相方為弘農守

竹下三徑

蔣詡於舍前竹下推門三徑惟故人求仲羊仲從之游為兗州刺史及王莽居椒以病免歸田里

蔣侯

蔣子文洪未為秣陵尉逐盜鍾山傷額而死常自謂骨貴死當為神及吳大帝都建業子文常乘白馬執白羽扇而出遂立廟鍾山封蔣侯 嘗助楊大眼走魏軍凱旋廟中人馬跡皆有泥濕 南唐追謚莊武帝 宋景祐中賜額惠烈廟 魯杜詩云

白馬千年繫廟門
爐煙浮動袞衣昏
闔棺謾說榮枯定
貴骨猶能履至尊

兼資文武

蔣濟字子通仕魏為中郎將兼資文武志節慷慨常有超越江湖吞吳會之志封關內侯

社稷器

蔣琬字公琰弱冠知名蜀先主以為廣都長叅事不理孔明曰蔣琬社稷之器非百里之才孔明每言公琰託志忠雅當與吾共贊王業者也為尚書令

釋私怨

蔣欽吳人從孫策東渡平定三郡遷盪寇將軍徐盛有嫌於欽又每稱其善曰今天下未寧豈可挾私怨以蔽賢乎盛既服德論者羨焉

兄弟才吏

蔣洸卒孝廉與兄演弟清俱為才吏唐乾元中歷咸陽高陵陸渾蓋屋四縣令美政流行郭子儀軍出其縣救麾下曰蔣洸賢令母撓其清也官至御史中丞遷大理卿父欽緒為太常博士

父子孝士

蔣又字德源幼從外祖吳兢孝博覽強記有史才唐貞元中為起居舍人帝嘗登凌煙閣視左壁額剝字多漫缺召又問之對曰此至曆中侍臣圖贊口誦不失一字會詔問神策軍建置本末又條據甚詳宰相高郢鄭珣瑜咲曰集賢有人哉明日詔兼判集賢院事時又之父明在集賢院父子為孝士儒者榮之長子伸次子偕幼子孫

三起三留

三起三留

蔣伸字大直宣宗雅愛之每見必咨天下得失三起三留曰他日不得獨對卿矣遂拜相

蔣楷歷史館三世踵修國史世稱良筆咸云蔣氏日曆焉

道州有暖谷在寒亭之傍宋治平中邑大夫蔣琪名之蔣之奇作記云盛寒入此谷中其瓦温然挾續熾炭不啻也

曾吞雲夢

蔣之奇字頴叔宋仁宗朝奉賢良方正科試六論除監察御史治平初迁殿中侍御史崇寧初為翰林李士同知樞密院事山谷別之奇詩云金城千里要人蒙理君亂絲須孟勞文星合在天東壁清都紫微碎雲璈荆溪居士傲軒冕曾吞雲夢如秋毫三品衣魚人仰首不見金牛可下刀云云子璫孫及祖吳祖

○蔣重珍宋嘉定中狀元有辭藻一篇丹陛對之句

女姓

嗜酒能文

蔣氏者湖州參軍陸蒙妻也嗜酒善屬文姊妹勸之節飲蔣應聲曰平生偏好飲勞尔勸吾餐但得樽中酒時光度不難

(養)

穿楊 號猿

養由基楚大夫善射去柳葉百步而射之百發百中晉楚交兵戰于鄢陵由基蹲甲而射之徹七札焉楚國有猿王使射之由基始調弓猿擁旆號

(疆)

疆華奉赤伏符猷之光武群臣奏以為漢受命之符光武乃即帝位

壤

堉駟赤字子徒孔門七十二賢人封上封侯

(党)

商音 馮 馮 馮

廣韵作黨无此党字 秦有將軍党耐

虎自云夏后氏之後唐有党芬為房瑄孔目官

金帳羊羔

党進驍勇絕人不識文字每戰躬擐甲冑鬚髯皆磔豎目光如

電視之若神 辛仲甫使契丹 又 又 主問曰聞中朝有党進者

驍將也如此者有幾人對曰鷹犬之材耳何可勝數 陶穀得

進家姬一日取雪水烹茶問曰党家有此風味否姬曰彼粗人

安識此景但能於銷金帳淺斟低唱飲羊羔兒酒耳 宋真宗

二年為鎮南節度使

(廣)

宮音 丹陽 風俗通云廣成子之後

(蕩)

楚有蕩虺蕩澤為司馬

(賞)

姓纂云吳中八族有賞姓 晉有賞慶

(掌)

晉有掌固 宋有掌禹錫

(黨)

商音 馮 馮 魯有黨叔襄二十九年公享范獻子

射者三耦節鼓父与黨叔為一耦

(三下六梗)

(耿)

宮音 高陽 晉大夫趙夙戡耿因封焉以國為氏

常平倉

耿壽昌洪宣帝時為大司農中丞奏設常平倉增價而糴減價

而糴以利農百姓便之 命賜爵關内侯

北道主人

耿弇字伯昭光武指之曰是我北道主人也 後平齊帝曰將

軍前在南陽建此大策常以為落 又 難合乃知有志者事竟成

也封好時候父况病弇兄弟六人衣青紫侍醫藥時人榮之

將帥之畧
耿秉字伯初腰帶八圍能說司馬兵法尤好將帥之畧漢永元初與竇憲征北單于登燕然山刻石勒功封美陽侯弟夔與任尚圍北單于於金微山出塞五千餘里而還封粟邑侯父國為大司馬伯父弇從弟恭

耿恭字伯宗慷慨多大畧有將帥才永平中為戊巳校尉攻匈奴引兵據疏勒城匈奴擁絕澗水恭於城中穿井十五丈不得水乃整衣向井再拜有頃水泉奔出揚水以示虜以為神明遂去後又益兵圍之恭食及窮困煮弩鎧食其筋革與士卒同死生皆无二心救至得还形容枯槁鄭衆上疏曰耿恭以單兵守孤城鑿山為井煮弩為糧卒全忠勇其節義古未有也拜騎都尉

攀龍附鳳

耿純字伯山初謁光武於邯鄲屢立大功建武元年諸將議上尊號純進曰十大夫從大王於矢石之間固望攀龍附鳳翼以成其志耳

武猛

耿豪字令貴周文暎曰令貴武猛所向无前芒山之戰右手拔刀左手把稍

○耿滂與錢起等能詩齊名號大曆十才子見盧綸
○耿望宋咸平中知襄州迁京西轉運與朱台符並兼制置營田事導渠溉民田二千頃

○胷中耿耿

(冷)

徵音 京兆

古冷倫氏之後音訛為冷沒也冷豐冷

春秋之季

冷豐洪宣時為淄川太守 尚公羊春秋之李馬官從之

守生養瓦

冷壽光行容成公御婦人法取精於玄牝其要谷神不死守生養瓦者也謂握固不泄還精補腦可以長生 後漢方技傳

大曆才子

冷朝陽有詩名唐憲宗嘗問朝臣曰比聞一士人能作詩姓字甚僻大臣以朝陽對上曰非也 詩評云朝陽在大曆才子中為最下

冷卿

冷庭叟仕宋為光祿卿山谷詩序云庭堅於庭叟有十八年之舊故山谷有詩云往時尽醉冷卿酒又云冷卿智多髮蒼浪牛刀發劓司一邦 庭叟有野居宋茂卿以詩詠之山谷詩云冷卿小考頗歲春 庭叟有侍兒因早朝逸去山谷詩云初无狗

盜偷籬落底事蛾眉失鎖闥每為朝天三十里時 又 驚枕夢催

班

○冷光世時宋淳熙中為監察御史

○灰冷 齒冷 吳江冷 官冷

(幸) 官音 鴈門

道術

幸灵建昌人有神術療病立愈禁邪怪即止 樊長賓為建昌令作官船船成當下吏以二百人引一艘不能動灵自請牽之止用百人而船去如飛咸稱其神廟在洪城

編具貫珠

幸南容唐貞元中穆寂榜登進士第試平權衡賦与柳子厚同年子厚有送歸聯句序云比詞聯韻音藻速發爛若編具粲若貫珠 孫潭德行孚於鄉歿為龍王

詩免稅丁

幸元龍字震甫號松垣先生有氣節官至通判以詩授任濤例求免稅丁太守判云松垣筆力破滄溟欲授任濤免稅丁一段風流好公案錦 鍾寫入圖經

景

宮音 京兆

楚公族芊姓之後漢初徙山東豪傑於關中今好時華陽諸景是也

衣錦還鄉

景丹字孫卿櫟陽人王莽時卒四科丹中言語科 後歸武從突騎破王郎以功拜驃騎大將軍封櫟陽侯帝謂曰富貴不歸故鄉如衣繡夜行故以封卿耳 圖形雲臺

戒石碑

景煥有野人閑語一書宋乾德三年立郡國戒石碑四句云尔俸尔禄民膏民脂下民易虐上天難欺即其本中語也

禮閣

景融仕宋拜太常博士胡宿行其制云典最儀於禮閣

○景差楚人作續騷大招一篇宋文公云語平淡醇古

○景鸞字漢伯東漢人作詩解易說著述五千餘万言

○景廷五代時人善射嘗教其子射曰射不入鉄不如不發

子延廣仕石晉為都指揮使橫挑強胡敗死

○殺風景 陶弘景 蕭相八景

丙

商音 平陽

齊大夫丙歇之後漢功臣表有高苑侯丙清傳

頻拾印取

丙氏魯人以鉄冶起富至鉅万頻 音俯 有拾印 音印 有取鄒魯以其故多去文季而趨利

知大体

丙吉字少卿漢地節初宣帝以其有旧恩封博陽侯臨封而病

上憂其不起將加紼而封之憂侯勝曰此未死也有陰德者必
享其樂以及子孫果愈 代魏相為相尚寬大有馭吏醉吐丞
相車上西曹主吏白欲斥之吉曰以醉飽之失去士使人復何
所容此不過汙丞相車茵耳 嘗出不問死傷而問牛喘謂三
公典調陰陽恐時瓦失節有所傷也時以為知大体贊云孝宣
中與丙魏有聲 子顯因有罪削爵 孫昌復博陽侯

○魏丙 魚丙 魚尾

郇 平陽 晉大夫郇豫食采於郇因氏焉 晉有郇 夏郇師替其後也

清行

郇漢有清行為中大夫王莽賜策書束帛遣之歸

龍腹

郇原東漢人与管寧華歆相善時稱三人為一龍寧龍頭原龍
腹歆龍尾詣長安孫嵩從李嵩曰君鄉里自有郇君 又乃舍之

何也原曰人各有志有登山而採王者有入海而採珠者豈可
以登山不如海之深入海不如山之高哉 龍翰鳳翼國之重
宝

井 微音 扶風 虞大夫井伯姜子牙之後也以字為氏 周有井科為大夫 漢有井宗為司徒掾

五經紛綸

井丹字大春漢建武間人通五經善談論京師語曰五經紛綸
井大春

○玉井 井井 同井

穎 鄭穎考叔為穎谷封人因氏焉

純孝

穎考叔有獻於鄭莊公 又賜之食 舍肉請以遺母 君子曰
穎考叔純孝也

名家

穎容字子嚴東漢人少博學註春秋左傳五萬餘言 卒孝廉
公車徵之不就 杜預云末有穎子嚴亦復名家

○裴穎 毛穎

○裴穎 毛穎 穎字公顯 河內人 少為名士 裴穎 穎字公顯 河內人 少為名士 裴穎 穎字公顯 河內人 少為名士

裴穎 穎字公顯 河內人 少為名士 裴穎 穎字公顯 河內人 少為名士

裴穎 穎字公顯

裴穎 穎字公顯 河內人 少為名士 裴穎 穎字公顯 河內人 少為名士

裴穎 穎字公顯 河內人 少為名士 裴穎 穎字公顯 河內人 少為名士

(四十四有)

(柳) 商音 河東 魯展禽食采柳下以邑為氏

社稷臣

柳莊卒衛獻公方祭請於尸曰有臣柳莊也者社稷之臣也請
往不釋祭服而往遂以禘之與之邑裘氏 記檀弓

士品第一

柳世隆字彥緒晚年以談義自高喜彈琴世稱柳公雙瑣為士
品第一 仕宋為武威將軍諸子中最知名者長悅次悛三暉

四橙五忱

二龍

柳悛字文通與兄悅齊名王侯曰柳氏二龍可謂一日千里

柳即儀表

柳暉字文暢早有令名少工篇什尚謝淪隣居相友愛淪曰宅

南柳即可為儀表嘗和梁武帝登景陽樓詩云大液微波起長
揚高樹秋翠華承漢遠雕輦遂風游深見賞美 兄弟十五人
惓惓愷怍迭為侍中復浩伯

衣錦還鄉

柳慶遠字文和為雍州刺史 梁武帝曰卿衣錦還鄉朕无西
顧矣

江漢英靈

柳遐幼邁謝卒嘉之曰江漢英靈見於此矣梁人仕周 北史

持節出使

柳彧字幼文仕隋為侍御史持節使河北巡省五十二州奏免
贓汙者二百餘人州縣肅然上嘉之

華腴

柳芳作氏族論曰三世有三公曰膏粱有令僕曰華腴

知戎情

柳渾字夷曠唐貞元中同平章事時渾瑊與吐蕃會盟渾策其
必劫盟已而果然上曰卿書生乃知軍戎万里情乎

誅舞文吏

柳公綽字子寬始生三日伯父子華曰與吾門者必此兒也唐
元和中為山南節度使行部至鄧縣吏有納賄舞文者公綽判
曰賊吏犯法法在姦吏壞法 又 亡誅舞文者 弟公權 子仲郢

筆諫

柳公權唐穆宗朝拜侍書宰士帝問筆法對曰心正則筆正筆
正乃可法矣帝改容悟其以筆諫也 文宗朝充翰林書詔宰
士夏日嘗召與聯句命題于殿壁字徑五寸帝嘆曰鍾王无以
尚也 東坡與柳氏外甥詩云君家自有元和脚莫厭家雞更
問人嘗作龍城記為錦樣書以進帝方御剪麪月兒羹命分賜

之嘗從幸未央上命賦賜邊衣詩宮人迫之應声而成上曰子建七步尔乃三焉

寬嚴兩適

柳仲郢字諭蒙唐會昌中拜京兆尹為令嚴明大中中為河南尹以寬惠為政曰輦轂之下先彈壓郡邑之治本惠養每遷烏集庭樹戟架皆滿此子

家法

柳玘唐僖昭時為御史大夫清直有父風述家訓以戒子孫大畧云余家以孝識礼法祗於士林人當以德行文孝為根株玉直剛毅為柯葉有根無葉或可俟時有葉无根膏雨不能活也唐世稱家法之美以柳氏為稱首

攝生

柳公度善攝生年八十餘有強力常云吾初無疥但未嘗以氣

海暖冷物熟生物及不以元氣佐喜怒耳 父公權

五星在天

柳宗元字子厚文章卓偉弟進士博李宏詞科唐貞元中拜監察御史 元和中為柳州刺史世號柳柳州 柳文集序云唐之文振粲然如繁星麗天芒寒色正入望而敬者五行而已河東柳子厚斯人所望而敬者欤既歿柳人懷之廟於羅池韓愈為之碑

準勅填詞

柳永字耆卿長於詞自作詞云才子詞人自是白衣卿相後有薦於上者仁宗曰此人風前月下淺斟低唱豈可令仕宦且去填詞由是不得志無復檢率自稱云奉聖旨填詞柳三變 景祐初登第為屯田員外郎

歸老橋

柳拱辰宋天聖中試珠藏淵賦王拱辰榜登第 至和中知永
州年六十即有掛冠之志創一橋曰歸老橋南豐作記弟應辰
室元中登甲科

○柳元景字孝仁宋文帝北伐加建威將軍 終尚書令

○柳灤唐末為翰林李士拜相李問博洽時目為柳篋子

○柳平字公儀宋元林中以朝奉大夫知筠州建江西道院

女德婚姻

熊膽丸

柳公綽妻韓氏舉之女也家法嚴肅為縉紳家楷範訓其子仲
郢嘗和熊膽丸使夜咀嚼以助勤

章臺柳

柳氏韓翃妻也盜覆二京柳剪髮為尼居法堂寺蕃將沙叱利
劫以歸翃後為淄青本記遣使以練囊盛題于囊曰章臺柳

章臺柳昔日青 二今在否縱使長條似旧垂也應攀折他人手
柳谷曰楊柳枝芳菲即可恨年 二贈離別一葉隨風忽報秋縱
使君來不堪折有虞侯許俊以一騎挾之歸淄青郎度使錢希
逸以聞于朝詔還翃

水鏡

柳莊字思敬少有器量博覽墳籍蔡大宝見之咲曰襄陽水鏡
復在于茲以女妻之 仕梁王譽為黃門侍郎

娶龍女

柳毅唐中宗時人下第歸至涇陽見一婦人牧羊曰妾洞庭君
小女敢寄尺牘洞庭之陰有橘社君擊樹三當有應者毅如其
言有武夫揭水引入至靈虛殿取書以進頃之有赤衣長丈餘
飛去俄紅妝擁一人回即寄本女也宴毅碧雲宮洞庭君弟錢
塘曰涇陽嫠婦欲托高義為親毅不敢當辭而出後再娶盧氏

女即有女也與同歸洞庭

佳婿

柳開字仲塗奇傑之士娶錢供奉女弟見亦氏開屬文必法韓愈號東郊野夫仕宋為監察御史

○柳氏裝封叔之妻也德為九族冠

○柳氏適董鉞射鉞以梓漕得罪三日而去官柳與同憂患如處富貴作滿江紅東坡屬和焉

○五柳 蒲柳 三眠柳

(苟) 河內黃帝之後有苟實因以為氏一派出自敬姓因避

晉帝石敬瑭諱去文姓苟與去苟姓文者相同

于城之將

苟變其才可將五百乘衛侯以其為吏而食人二雞子遂不用子思曰以二卵棄于城之將不可使聞於鄰國也

斷決如还

苟晞字道將仕晉都督青兗二州練於官事文薄盈積裁決如流 位至錄尚書事 弟純嚴酷過於其兄

楮墨作檄

苟濟潁川人與梁武有旧後仕于北朝嘗云會於楮鼻上磨墨作檄

○狗苟

(后) 后土之後

○后處字子里孔門弟子贈管立伯封膠東侯 贊云攬道之華秉德之柄深造闡城不乖言行

○后蒼字近君双孟卿受礼記說礼數万言號后氏曲臺記授戴德兼通齊詩授蕭望之 洪宣朝為博士儒林傳

○后綿 晉人與求和修襖詩不成罰酒三觥見王姓

(紐)

吳興

累德里

紐因字孝政父母喪庐墓負土成墳 前生麻一林園之合拱
冬夏常青周武帝表其閭擢授甘棠令 子士雄亦至孝父喪
庐墓庭槐枯死服終还槐復榮茂周文帝下詔號其居為累德
里 北史

(母)

非鹿

母江氏或為母氏

母照開元含象亭十八孝士中人 見庚子元

(壽)

京兆 風俗通云吳子壽薨之後以字為氏

○壽於姚仕吳為大夫

○壽良仕洪為兗州牧

(有)

東魯 有集氏之後

○有若字子有狀似孔子 封平陰侯 贊云人稟秀德氣兒

或同而子儼然温 其容兩端發問未答機鋒以礼即和斯
言可宗

四十七寢

(沈)

官音 吳興

周文王子肅季食采於沈因氏焉

慈父母

沈諸梁字子高父沈尹戍楚莊王孫也為左司馬子高以父之
邑為氏為葉縣尹稱葉公 楚白公作亂葉公入至北門或遇
之曰君胡不胄國人望君如望慈父母焉又一人曰君胡胄國
人望君如望歲焉白公既誅楚國以定 哀十六 葉公好有室屋
皆昼有天有聞而下窺葉公驚走好似有而非好真有也 莊子

令器

沈演之年十一尚本刘柳見之曰此童終為令器 仕宋為吏
部尚本

三望車

沈慶之字弘先諫宋文帝北伐云耕當問農織當問婢今欲伐國而與白面書生謀之事何由濟 大明中位司空廢帝加賜几杖給三望車 子文叔文季

求明體

沈約字休文少篤志好學左目重瞳腰有紫痣聰明過人聚本至二万卷作文用宮商將平上去入四声製韻有平頭上尾蜂腰鶴膝之名號求明體 蔡吳宗引為記室謂諸子曰沈記室人倫師表宜善師之 梁武受禪拜為尚書僕射既而久處端揆有志台司帝終不用求外出不許乃以書陳情於徐勉曰老病百日革帶常應移孔以手握臂率計月小半分欲謝事求歸老之秩勉為言於帝不許自為郊居賦以序其事卒于官 子士規 孫仲吳梁武帝嘗令作竹賦勅曰卿文体翩翩二可謂无

忝尔祖矣

五經博士

沈重字子厚博覽群本尤明詩義春秋 仕梁為五經博士嘗講三教義於紫極殿

一片宮商

沈光有洞庭系賦韋岫曰此賦乃一片宮商 善戲馬馳捷人號為肉飛仙 仕隋為郎將後歸唐

錦翠誥軸

沈易直唐德宗贈其家官爵使中官以廐馬馱賜之官誥凡一百二十軸皆節以錦翠時以為榮

牙緋

沈佺期字雲卿唐武后朝為修文館學士 嘗對后曰身名已蒙齒錄袍笏未賜牙緋后即賜之 魏建安後江左詩律屢變

至宋之間沈佺期又加靡麗如錦繡成文孝者宗之號為沈宋
宋之問傳卓然以所長為一世冠

石蓮燈

沈彬字子文隱雲陽山孝仙道工詩有湘江行云數家漁網殘
煙外一岸殘陽細雨中人膾炙之唐末奉進士夢着錦衣貼
月飛人謂身不入月宮必不第果然後仕南唐為吏部郎
臨終指葬地以示家人穴其所得石蓮花燈三椀有銅碑鐫詩
云石灯猶未點留待沈彬來

金鼎丹田

沈麟字庭瑞彬之子也孝道於玉笥山常衣單褐風雪不易嗜
酒工詩時呼為沈道者有詩寄故人陳智周云各山相別後此
去會難期金鼎消紅日丹田老紫芝訪君雖有路懷我豈無詩
休羨繁華爭百年能幾時後尸解而去

夢鵬

沈晦赴省至天長道中夢身騎大鵬搏風而上因作大鵬賦以
紀其事宋宣和中果魁天下

泛瀛洲

沈介字德和宋紹興中拜秘書省正字秦熺出一對云潘游洪
沈泛瀛洲

銀魚

沈煥字叔晦父子自為師友講道論義閨門肅睦於榮利澹然
家故清貧而口不言貧輕財重義士信而歸之宋乾道中登
茅倅舒州光宗朝遷奉誠郎賜緋銀魚

○沈既濟經孝該明有良史才召拜左拾遺子傳師

○沈傳師唐貞元末奉進士權德輿門生七十人推為顏子

○沈義倫伐蜀東歸篋中才有圖書數卷宋初拜樞密

○沈括字存中博覽古今宋熙寧中知制誥分司南京

○沈思字持正湖州隱君子也隱於東林因名東老能釀十八

仙白酒熙寧中呂仙到其家題詩云西鄰已富憂不足東老

魚貧系有餘白酒釀來緣好客黃金散盡為收本

○沉與求字和仲紹興中為中丞首陳屯田利害

○沈該字元約紹興中直秘閣後參太政掾左僕射

○沈豐為零陵太守鞭朴不辜市无刑戮

○沈宛謂妻曰男兒不豎豹尾終不還鄉

(婚姻)

○沈鸞字廷元少有高名奉茂才其舅陸稠以女妻之公府辟

為別駕事

○沈宋 沈郎休文也 責沈

(審)

○審食其沛郡人从漢高征伐有功 封辟陽侯

○審配爭袁紹孔融曰尽忠之士也

○審固魏人本出兵伍楊俊獎拔乃作佳士 官至郡守

(四十八感)

(晉) 徵音 太原

○晉堅晉人 栢温伐蜀其將晉堅勸李勢降

○晉居潤字廣川博州高唐人宋建隆初權知鎮州初以知州

易万鎮也

○晉方壽宋名將

(五十琰)

(冉) 官音 武陵 高辛氏之胤 云叔山冉之後

○冉雍字仲弓贈薛侯進下邳公 德行科

○舟耕字伯牛贈鄆侯進東平公 德行科
○舟求字子有贈徐侯進彭城公 政事科

(五十三賺)

(范) 官音 高平

劉累之後在周為唐杜氏周宣王滅杜二

伯之子隄叔奔晉為士師曾孫士會食采於范因氏焉

世卿

范武子之後文子宣子獻子世為晉執政上卿

扁舟五湖

范蠡越大夫也疾吳而歸遂乘扁舟浮於五湖號鳴夷子皮
之陶為朱公三致千金再分與貧交昆弟言富者稱陶朱公云
越王思其功以黃金鑄其像

一飯必報

范睢字叔一魏人須賈告其過於魏齊辱之幾死入秦改名張
祿為相賈至秦睢問行敝衣求見賈曰范叔一寒如此哉取一
綈袍賜之睢乃為賈御入相府則睢即秦相坐賈於堂下曰君
所以得不死者以綈袍戀二尚有故人之意耳 一飯之德必
償睢眦之怨必報

攬轡澄清

范滂字孟博漢相帝朝為清詔使登車攬轡慨然有澄清天下
之志 名列八顧 弟仲博 父老舒君

甌塵

范丹字史雲

漢書作范睢

違肘絕俗為激詭之行漢相帝朝為

萊蕪長

黨禍作道身梁沛間賣卜於市常惟鹿車載妻子捃

拾白資結草室居焉有時絕粒閭里歌曰甌中生塵范史雲釜

中生魚范萊蕪

謚貞郎先生

雞黍之約

范武字巨卿少游大李与張劭為友並告歸式曰後二年當還過表尊親見孺子焉乃共刻期日至期劭白母殺雞炊黍待之母曰二年之別千里結言何相信之審曰巨卿信士必不失期至其日果到二陳平子亦同在李病將終謂其妻曰山陽范巨卿烈士也可以託死既終式為營護妻兒身自送喪於臨湘東漢人為荊州刺史

二范儒風

范宣字宣子少好李博綜群本家于豫章晉太元中范甯為豫章大守立鄉校教授恒数百人由是江州人士並好經李化二范之風也晉儒林傳

修漢史

范曄字蔚宗仕宋為秘丞左迁宣城大守不得志乃刪後漢本

自為一家之作 陸凱寄梅并詩

廉泉

范栢年初見宋明帝因言及廣州有貪泉帝問卿州有此水否對曰梁州惟有文川武鄉廉泉讓水又問卿宅在何處曰臣所居在廉讓之間帝善之為梁州刺史

流風回雪

范雲字彥龍善屬文宛轉清便如流風回雪仕于齊後歸梁為吏部尚本

樹花之喻

范縝字子真齊永明中為中郎時竟陵王子良盛招賓客縝与焉良精信佛教縝每言无佛良曰君不信因果何得富貴貧賤曰人生如樹花隨風而墮有拂簾幌落茵席之上有越籬墻落糞溷之中因果竟在何處良不能屈

吸醋三斗

范質字文素母張氏夢人授以五色筆而生九歲能文後唐時
辛進士洪周禪代之際隱於民間一日坐封丘巷茶肆中肘所
執扇上云大暑去酷吏清風來故人有人兒極怪陋前揖曰
世之酷吏何止大暑相公他日當深究此弊持其扇而去後至
妖窟見一土木短鬼兒肖茶肆中所見者扇亦在其手中公心
異焉後仕周首定刑統 宋建隆初拜相嘗謂同列曰人能鼻
吸三斗醇醋即可作宰相封魯公 子旻登庸衣鉢見和凝

粟粥斷齋

范仲淹字希文二歲而孤隨母改適長山朱氏冒姓朱後辛進
士改本姓謝啓云志在投秦入境遂稱於張祿名非霸越乘舟
乃效於陶朱時人服其親切 初居長白山僧舍習讀日煮粟
米二升作一器刀盃為四塊早晚以斷齋數莖啖之其清苦如

此 宋慶曆中參大政 謚文正公

將相器業

文正初辛進士試金在鎔賦云如令區別妍蚩願為金鑑若使
削平禍亂請就干將 又 相器業可見矣

曾中甲兵

文正鎮延安夏人相戒曰毋以延州為意小范老子曾中自有
數万甲兵不比大范老子 名雍 可欺也

天章一疏

文正初知參政仁宗召見開天章閣賜坐授以紙筆使疏于前
公退而條列時所宜先者數十事方施行而僥倖者不便沮格
之 公銳意天下事取班簿視不才監司一筆勾去富公曰一
筆為一家哭矣公曰一家哭何如一路哭

義莊

文正輕財好施尤厚於族人於姑蘇買良田數千畝為義莊以
奉族之貧者嫁娶喪葬皆有贍給 四子純祐 純仁 純禮
純粹

帳中煙迹

范純仁字堯夫少時晝夜肄業置灯帳中夜分不寢後貴夫人
收其帳頂如墨色以示子孫曰尔父少時勤学灯煙迹也 公
自布衣至宰相常戒子弟曰吾平生所学得之忠恕二字而已
一生用不尽也 宋元祐初拜右相 謚忠宣公 徽宗書其
碑額曰世濟忠宣之碑 孫賁於和州建三老堂 見刘摯

著作林

忠宣初知袁邑縣 又 民不事蚕織公令以植桑免罪人獲其利
至今號為著作林 著作公宰邑時官也

麥舟

忠宣少時奉父命到姑蘇般麥五百斛舟次丹陽見石曼卿言
有三喪在淺土未葬公悉以所載麥与之單騎而歸文正問過
東吳見故旧乎對曰石曼卿告以三喪未卒文正曰何不以麥
舟与之公曰已付之矣

長嘯公

范鎮字景仁薛奎守蜀还朝曰得一偉人當以文章名世謂公
也 王文正薦召試李士院詩用彩霓字李士以沈約郊居賦
彩霓連蜷讀作入声以公為失韻殊不知約賦但取声律便美
非入声不可讀景仁不自辨由是除館閣校勘 少時作長嘯
却胡騎賦後奉使契丹虜中相曰此長嘯公也兩入翰林四
知貢举 熙豐間士大夫論天下賢者必曰君實景仁其道德
風流足以師表當世年六十三疏五上乞致仕歸蜀 元祐初
詔起之辭表云六十三而求去蓋以引年七十九而復來豈云

中禮以銀青光祿大夫致仕卒年八十一謚忠文 猶子百祿百常

經筵第一

范祖禹字淳父初字夢得公初生時母夢一偉丈夫被金甲至寢室曰吾故漢將鄧禹也遂以為名 幼孤博學強記叔祖忠文公每器之曰天下士也 卽畧尚書論語孝經要切之言得二百一十九事名曰三經要語進唐鑑十二卷東坡嘗薦之曰淳父為今經筵講官第一言簡而當無一冗字長語 宋元豐中除翰林學士兼侍讀 子冲温

義氣橫秋

范純粹字德孺知慶州山谷贈詩云慶州名父子忠勇橫八區又曰少日才華接貴游老來忠義氣橫秋

詠園亭

范諷自給事中歸濟南張氏園亭有詩云園林再到身猶健官戩才拋憂自清惟有南山与君眼相逢不改旧時青

湖山絕勝

范成大字至能號石湖居士 帥江東陞辭設宴上命侍行過西小軒再坐二内侍捧縑素來上有石湖二大字御書尚温公拜謝奉觴上壽乃退石湖在平江盤門西南十里大湖之派范蠡游湖從入之處公隨高下為亭觀植花竹蓮芰湖山絕勝繪圖以傳 公後見東宮曰石湖已拜宸翰有壽櫟堂願得室書太子書三大字賜之乃即城居之南別營一圃題曰范村刻兩朝賜書於堂上榜曰重奎其北又葺桃花塢往來其間嘗与客飲有詞云任炎天冰海一盃相屬荻笋蘆芽新入饌鷗絃鳳吹新番曲人間何處似樽前添銀燭 公文章膽麗清逸自成一大家尤工詩有石湖集百三十六卷吳門志五十卷使北則有攬

繼錄過海則有虞衡志出蜀則有吳船錄如三高亭記天下誦之
宋隆興中拜中書舍人參知政事
○范增居鄴人好奇計為項羽謀臣稱為亞父
○范外漢光武朝為博士奏左氏之失凡十四事
○范喬年二歲祖馨臨終曰恨不見汝成人以所用硯與之五歲祖母以告喬執硯涕泣後為名儒
○范達鄱陽孝廉也稱羨陶侃於庐江守張夔
○范泰與謝瞻為煙霞之交仕梁為國子祭酒子暉
○范延賞押兵過金陵張詠曰天使亦好官負也
○范諤昌受河圖洛書於許堅又受於李旣又受於陳搏
○范宗尹字竟民宋建炎中拜相時年未及四十
○范如圭宋紹興中與胡瑄李弘正宋松同修國史

婚姻

師友成婚

范宣字宣子以講論為業皆聞風宗仰有戴陸好琴書師事官子宣子以兄女妻焉

羅幔當火

范純仁娶婦或傳以羅綺為幔者文正聞之不悅曰羅綺豈帷幔之物敢持至當火于庭吾素清儉安得亂吾家法

娶阿巽

范渙字箕叟范子功名百孫之孫東坡長子伯達之女阿巽山谷嘗為子求婚其後契闊不成以妻于渙

甥舅

范甯字武子嘗謂其甥王忱曰卿風流雅望真後來之秀忱曰不有此舅焉有此甥

○范氏劉氏世為婚姻左傳

○范文正娶李氏女与鄭戩為連袂 見李氏

○范景仁娶龐氏女為孫婦重友義也 見龐氏

○范鎮吕公著之婿鎮次子温秦少游之婿

○小范 杜范 栾范

范 按韻書有二音

范重仕漢為大司農

范僧智仕梁為譙州刺史時人以君子稱之

范賁唐貞元登第為高安縣令徙縣治於元陽觀

女德

范氏陶侃母侃少為潯陽縣吏監魚梁以蚌鮪遺母 又封还賁

之曰尔為吏而以官物遺我乃以增吾憂矣 范逵嘗宿於侃

值大雪范氏徹所卧新薦自剗給馬又密截髮以易肴饌逵聞

之嘆曰非此母不生此子 晉烈女傳

庚集終

